



Saqitsaannermik suliat pillugit ilisimasariaqakkatit

Saqitsaannermik suliat nalinginnaasut tassapput inummut allamut piumasaqaammik aalajangiititsiniaaneq. Soorlu tamanna pigisamik aningaasanilluunniit piumasaqaataasinnaavoq.

Suliassanngortitsissut

Saqitsaanneq pillugu suliassanngortitsisoqartarpoq suliassanngortitsissummik Kalaallit Nunaanni Eqqartuussivimmumt tunniussinikkut. Saqitsaanneq pillugu suliassanngortitsisinnaani illuatungerisaq attaveqarfigineqassaaq, misilillugu isumaqatigiinnissaq anguniarneqarluni.

Piumasaqaat

Suliassiisup suliassanngortitsissummi allaaserissavai piumasaqaat imaluunniit piumasaqaatit, eqqartuussiviit ikiortigalugit akueritikkusutani imaluunniit naammassitikkusutani. Piumasaqaammi allanneqassaaq suliap qanoq inernejarnissaa kissaatigineqarnerisq.

Suliassanngortitsissummi piumasaqaat tassaakkajuttarpoq illuatungerisaq suliassiisumut aningaasanik akiliissasoq. Aammali piumasaqaat tassaasinnaavoq illuatungerisap akuerissagaa suliassiisoq allanut tunngatillugu pisasaqartoq, soorlu pigisamik tunniussivigineqarnissamik.

Suliassanngortitsissutip imaa

Suliassanngortitsissummik tunniussaqaarniartillutit paasisutissat aalajangersimasut tamarmiusut allannissaat pingaaruteqarluinnarpoq

Suliassiisup allassavai nammineq (suliassiisup):

- Aqqi tamaasa
- Najugaqarfik
- Imm. postboks
- Oqarasuaatip normua/telefaxnormu/e-mail

Suliassiisup allassavai suliassanngortitaq:

- Aqqi tamaasa
- Najugaqarfia (aqquserngup taaguutaa, illup nr., post nr. + illoqarfik (najugaqarfia ilisimasaqarfiginngikkukku innuttaasunut sullissivimmumt saaffiginillutit pineqartup najugaqarfia paasiniassavat).
- Najugaqarfik allakkanut apuussiffissaq, ilanngullugu najugaqarfik suliassiisumut nalunaarutinik nassiussiffissaq tusarliussiffissarlu
- Ajornanngippat oqarasuaatip normua/telefaxnormu/e-mail

Aamma allaqqassaaq:

- Eqqartuussisoqarfiup taaguutaa
- Illit piumasaqaatit
- Piumasaqaammumt tunngavilersuutit

- Ilisimannittut, suliami aggersarusutavit, aqqi najugaqarfiilu immaqalu oqarasuaataasa normui
- Ilanngussassat ilanngullugit nassiunneqartut tulleriarlugit allatorneqarnerat. Ilanngussassat tamarmik normulersorneqassapput
- Uppernarsaatit allat, suliami ilanngukkusutatit

SULIAP INGERLANNEQARNERA

Kalaallit Nunaanni Eqqartuussiviup suliaq tigareerpagu eqqartuussisut misissussavaat eqqartuussivimmu akitsuut akilerneqarsimanersoq aamma suliaannngortitsissut paasissutissanik qulaaniittunik imaqarnersoq. Piumasaqaatit suliaannngortitsissummi naammassineqarsimappata aamma eqqartuussivimmu akitsuut akilerneqarsimappat, eqqartuussisut allakkanik suliaannngortitamut nassiussissapput, suliaannngortitsissutip nuutsinneqarnera ilanngullugu. Suliaannngortitaq piumasaqaammut akerliliinissaminut sap. akunnerinik sisamanik piffissaliivigineqassaaq.

Suliaannngortitap suliaannngortitsissut tusarliussaq akissuteqarfiginngippagu eqqartuussisut suliaasiisup piumasaqaataa malillugu eqqartuussuteqarsinnaapput. Suliaannngortitaq suliaasiisup piumasaqaataanut isumaqataappat eqqartuussisut piumasaqaat malillugu eqqartuussuteqassapput.

Eqqartuussisut piareersaataasumik eqqartuussinermut aggersaasinnaapput, illuatungeriinnik ilitsersuinissaq suliallu ingerlaqqinnissaanik paasinarsaanissaq siunertaralugu.

Illuatungeriit isumaqatigiissinnaanngippata suliaq inaarutaasumik suliarineqarluni eqqartuussutissaq isumaqatigiinniutigiqassaaq, tassani illuatungeriit suliaq eqqartuussisunut oqaatsitigut saqqummiutissavaat. Eqqartuussisut suliami aalajangiissapput, uppernarsaatit eqqartuussutissamik isumaqatigiinniuteqarnermi saqqummiunneqartut tunngavigalugit.

Attaveqarfissat tamaasa paasissutissiissutigereerukkit eqqartuussivimmullu akitsuut akilereerukku aatsaat suliaannngortitsissutit eqqartuussisunit suliarineqassaaq.

Eqqartuussivimmu akitsuut

Suliani saqitsaannermut tunngasuni eqqartuussivimmu akitsuummik kr. 500-nik akiliisoqassaaq.

Eqqartuussivimmut akitsuut uunga akilerneqassaaq
Kalaallit Nunaanni Eqqartuussivik , GrønlandsBanken reg.
Nr. 6471 kontonr. 1032663.

Akitsuut Kalaallit Nunaanni Eqqartuussiviup piffissaliussaa qaangiutsinnagu akilerneqanngippat suliaq itigartitsissutigineqassaaq.

Eqqartuussiveqarfik ilitsersuisarpoq, kisianni inatsisitigut ikiorsiisanngilaq. Suliami ilinnut tunngasumi siunnersorneqartariaqaruit IKIU imaluunniit eqqartuussissuserisoq inatsisitigut ikiorsiisinnaatitaasoq, inunnik pisariaqartitsissutinik inatsisitigut ikiorsiisartoq, saaffigisinnaavat. Eqqartuussissuserisut inatsisitigut ikiorsiisinnaasut allattorsimaffiat uani takusinnaavat www.eqqartuussivik.gl

Attaveqarfissaq

Arlaannik nalornissuteqaruit imaluunniit ilitsersorneqartariaqaruit paasissutissat amerlanerit uani takusinnaavatit: www.eqqartuussivik.gl imaluunniit eqqartuussisoqarfik sianerfigisinnaavat: 36 38 00